

涇陽縣志卷五

邑令葛長纂修

縣丞沈述
教諭李蓋
訓導何祿
典史王祈年
全校

官師志

考春秋時多滅國以為縣故縣大而郡小戰國時吞併改置則縣小而郡大漢唐以後雖代有更易而究之分猷布政宣上德而達下情則一也前志載分封節鎮今制不設而自古有之例得備紀後志謂風憲因有渠利仰資碩畫應照前例接叙縣令以下惟駐防武弁後志已為增入其餘縣丞主簿典史教諭訓導亦均為接叙作官師志

分封

涇陽縣志卷五

秦公子市或曰名悝秦昭襄王弟也赧王二十四年封涇陽君已又封宛兄顯曰高陵君並與穰侯魏冉同時用事漢周緤沛人常為高祖參乘以舍人從起沛至霸上西入蜀漢還定三秦食邑池陽軍之東也乍利乍不利終無離上心遂以為信成侯已又封蒯成侯

鎮守

唐郭子儀華州鄭人以武舉異等初補左衛長史當安祿山之亂也討賊屢有功遂平河北復京師收東都歷進副元帥封汾陽王數以勳澤會儀固懷恩陰召回紇並吐蕃入寇犯奉天武功詔起子儀率萬人屯涇陽時回紇謂子儀已死因帷問之曰郭令公誠存我得見乎子儀謂其左右曰回衆數十倍難以力敵吾將出示以至誠左右諫不聽請以五百騎從亦不聽即以

數十騎出免胄見其回長曰諸君同艱難久矣何忽忘忠誼而
至是回紇棄兵下馬拜曰果吾父也子儀卽名與飲誓好如初
因謂曰彼吐蕃本吾舅甥國無負而來棄親也其馬牛被數百
里公等若倒戈乘之如拾芥此天錫不可失也逐戎得利與我
繼好不兩善乎衆許諾俟吐蕃引去遂以兵合回紇追躡之破
其衆十萬靈臺西原已而吐蕃寇涇州子儀復屯涇陽邀戰靈
州敗之歷攝冢宰號尚父進中書令祀名宦
金盧安撫史逸其名初金國於仲山之巔下臨涇水處爲山寨
屯兵其上置安撫司以主其事金末爲安撫者盧也壬辰元兵
收陝西盧與妻子俱投涇水而死時人哀之
明耿秉文洪武初以長興侯鎮守陝西修築洪渠堰又浚渠十
萬三千餘丈民咸利之祀名宦

涇陽縣志卷之五

二

風憲

諸公故實詳見水利

漢兒寬千乘人也武帝元鼎間爲中大夫遷左內史治民有惠
政民大信愛之因表奏開六輔渠定水令以廣溉田歷御史大
夫

趙中大夫白公武帝太始二年爲中大夫奏鄭渠北復穿渠溉
田名曰白渠至今利賴焉

唐長孫祥永徽間爲雍州長史時鄭白渠以多碾磴耗竭水利
祥上言因命祥行縣毀之

李元紘開元間爲京兆少尹毀白渠傍水磴之漭遏爭利者蓋
唐時京兆少尹專督視涇上渠堰云

李栖筠廣德間爲戶部侍郎時白渠上多寺觀碾磴耗水栖筠
奏拆之以廣水利

黎幹大歷間爲京兆尹開鄭白支渠水利便之
宋皇甫選至道間爲大理丞至縣經度三白渠
何亮至道間爲光祿丞與皇甫選同經度三白渠
孫冕至道間爲著佐總三白渠

葉清臣字道卿長州人慶歷間知永興軍浚三白渠溉田踰六千頃

周良孺爲都水丞議自石門開渠引涇水至三限口以廣白渠溉田之利詔從之

穆京大觀間爲主客員外郎上言開豐利渠上卽命京視役且撫問官屬給賜工師緡錢渠成至今賴之

趙佺大觀間爲永興軍路提舉常平使者穆京所開豐利渠佺蓋董其事云

元梁泰至元間爲宣差規措三白渠使經治有道

伯顏帖木兒大德間爲屯田府總管兼司河渠時涇渠利微帖木兒爲疏導之水乃如故

別帖木兒京師人至治間以拱衛直都指揮使宣差屯田府事兼司河渠大定初修洪渠帖木兒督之水利倍常

蠻文彬至元間爲屯田監府穿修洪渠七十餘里有禪水利虎仲直至元間爲屯田府總管與文彬同修洪渠者

宋秉亮至正間爲陝西諸道行御史臺監察御史行部至縣親閱鄭白等渠因建言興壞之方甚辨有條議見水利

牙八胡至正四年爲屯田同知開渠堰鹿巷人便之
楊欽至正間爲屯田府都事嘗修治涇渠

明項忠成化初爲陝西巡撫副都御史請自舊渠上開鑿石山

一里餘引谷口上流入渠名曰廣惠渠

余子俊成化間爲陝西巡撫右都御史經略渠堰於大龍山鑿五竅以取明疏其渠之曲折淺狹者

阮勤成化間爲陝西巡撫副都御史發帑募工築修渠堰鑿石引涇入渠溉五縣田八千餘頃

曾能成化間爲陝西布政督修涇渠

鄧山成化間爲陝西叅政時修涇渠與曾能同董其役

劉端成化間爲西安府同知明曉水利委心民事修渠人被其澤旣去民追思之

蕭翀正德間爲陝西巡撫都御史鑿石爲渠長四十二丈名通濟渠

沈子章萬曆末爲邠乾兵巡道親歷涇渠察其利病督夫疏濬更於洪口設立水夫伺防壅漏以爲久遠之謀民獲其利焉

本朝

岳鍾琪陝西臨洮人雍正乙巳以少保總制川陝奏請疏鑿涇渠親履堰口相度形勢籌畫工程引水利民

查郎阿滿洲鑲白旗人雍正己酉以太子少保兵部尚書總督川陝疏請設水利通判專管渠務固堰通淤以永水利

張楷奉天正藍旗人右副都御史巡撫陝西親履洪堰相地形驗工程悉心指畫修舉頽廢渠道疏通隄岸堅固廣民力以免勞役

王紹文直隸衡水人拔貢生雍正六年任西安知府親勘渠道以時修築務期實惠在民又捐俸種樹以固堤岸

水利通判 雍正七年以管
愷通判改設

田仁佑青州監生雍正七年署任

劉克恭河南監生八年署任

高豫鑲黃旗監生九年署任

羅國楫湖南茶陵州監生雍正十二年任乾隆二年復請增高渠岸旋以望悞去

李芳華大興進士乾隆四年授講求水利民安其業惜以疾卒張廷柱雲南廣西府監生乾隆七年授加意渠工水利益普

英德滿洲鑲藍旗監生乾隆十二年選授今任

希占鑲黃旗滿洲由繙譯十四年到任

德成格鑲白旗滿洲繙譯舉人十五年到任

李彥正白旗漢軍監生十七年到任

額爾登額鑲黃旗滿洲繙譯生員二十二年署任

涇陽縣志卷五

五

張介禧山西浮山縣人由貢生二十三年署任

劉文英正紅旗滿軍由增廣生員考取二十六年到任

楊起業湖北荆門州人由監生二十九年到任

雷 湖北西陽州人由生員二十九年署任

李本根山東惠民縣人優貢三十年署任

楊汝連江蘇華亭縣人監生三十一年署任

曾元梁四川合江人舉人三十三年署任

張裕穀河南儀封縣人監生三十四年到任

周廷高湖南零陵縣人拔貢三十七年署任

程毓和江蘇松江縣人監生三十七年到任

林恭範福建福清縣人舉人三十九年署任

趙贊甘肅寧夏舉人署任

宋琦順天府宛平縣人監生四十一年到任

知縣

漢杜軫爲池陽令治爲雍州諸邑最百姓立祠祀之入名宦
王吉字子陽瑯琊臯虞人也少好學明經以郡吏舉孝廉爲郎
補若盧右丞遷雲陽令舉賢良爲昌邑王中尉數諫正王及王
之入繼而旋以淫亂廢也諸昌邑舊臣皆坐法誅吉以嘗諫正
故減城旦後起家爲益州刺史徵爲博士諫大夫以上言不聽
謝病歸吉與貢禹爲友世稱王陽在位貢公彈冠言其取舍同
也

並史失其姓元帝時爲池陽令素行貪污會野王爲左馮翊並
輕其外戚年少治行不改野王乃案驗法之

語在野王傳

朱博字子元杜陵人也初爲縣亭長歷安陵丞成帝朝王鳳秉

涇陽縣志卷五

六

政長史陳咸薦博除莫府屬鳳奇之舉博櫟陽令已徙雲陽又
徙平陵以高第入爲長安令官至丞相封陽鄉侯

隋房彥謙字孝冲清河人大業中爲司隸刺史時隋政漸亂朝
紳靡然而彥謙介直孤立執政者嫉之出爲涇陽令居官所得
俸祿皆以周恤親友家無餘財車服器用務存素儉雖至屢空
怡然自得嘗從容獨笑顧謂其子元齡曰人皆因祿富我獨以
官貧所遺子孫在於清白耳未幾卒於官彥謙爲人廉介又善
草隸得其尺牘者皆寶翫之唐興以子元齡故追贈徐公都督
臨淄縣公

唐萬齊融開元間爲涇陽令與賀知章輩及僧曇一爲儒釋之
遊

韋滌德宗時爲縣令詔曰涇陽令潔己亮直處事通敏一道之

內獨無怨言可僉工部員外郎祀名宦

韋紳卿未詳何時人爲縣令邑中豪家爲水碓侵渠水令皆破之利民田萬餘頃祀名宦

李行言宣宗時爲縣令上遊獵於苑北遇樵夫問其縣曰涇陽人也令爲誰曰李行言爲政何如曰性執有強盜數十人匿軍家索之不與盡殺之上歸貼其名於寢殿之柱冬十月行言除海州刺史入謝上錫金紫問曰卿知所以衣紫乎對曰不知上取殿柱之帖示之祀名宦

朱勃爲雲陽令按東漢書光武時有朱勃扶風茂陵人爲涇城宰舊志乃謂唐時令又不言何處人豈漢朱勃嘗令涇陽舊志誤以爲唐官抑唐時又別有朱勃也不可攷

宋趙隣幾舊志云初知蓋屋咸陽二縣爲治清而不煩民安之

每覽訥牒必喻以曲直訥者多心服引去後調知涇陽縣按史隣幾與何承裕同傳隣幾須成人周進士歷校書郎許州宋州從事宋太宗召爲右贊善改宗正丞遷右補闕數月卒安得有爲令事而承裕者後晉進士有清才嗜酒狂逸入宋室歷著作佐郎直史館爲蓋屋咸陽二縣令然爲治清而不煩民頗安焉後歷侍御史累知忠萬商三州則嘗爲涇陽令必何承裕也以爲趙隣幾者誤

李同天聖間爲都官員外郎曾言三白渠事宜因命知涇陽縣領三白渠事

范育字奕之邠州三水人神宗朝進士爲涇陽令尋以養親謁歸從張橫渠氏學起家歷官戶部侍郎嘗請上用誠意正心爲治有爭棄質孤勝如兩堡及城李諾平汝遮川等議時以爲重

侯可字無可華陰人初孫沔征儂獍請叅軍事以功歷簽書儀
州判官韓琦之鎮長安也薦知涇陽縣嘗說渭源羗輸地八千
頃以城熟羊以撫之琦上其功又議增鑿白渠得名對旋以微
罪罷官至殿中丞可輕財樂義有卓行

袁灼建中靖國元年爲雲陽令咏移任雲陽詩

見藝文

王康朝字公起河南人大觀初爲雲陽宰宣和間承節郎兼孟
店鎮酒稅楊葆光於所題法相寺壁間詩跋曰公在大觀初作
雲陽宰施及惠政民今懷之其文章翰墨推稱當世題法相院
才一絕句猶爲採詩者所賞然騷雅之什宛若清廟之瑟一唱
而三嘆者宜珍護也命工模刻託茲堅珉以永其傳觀此則康
朝蓋宋之名人云

詩見藝文

宋彥通宣和間爲縣令政不苛民亦不擾

涇陽縣志卷五

金王浩以吏辟爲涇陽令廉白爲關輔第一時西臺督州縣植
棗甚急浩獨無所問所司將罪之浩曰是縣所植已滿其數若
欲增之必盜他人所有取彼置此未見其利也其愛民多此類
蕭貢咸陽人大定間以進士爲縣令有美政後遷尚書

元王琚字仲瑗濟南鄒平人大德間爲縣令與伯顏帖木兒共
疏涇渠後遷陝西諸道行御史臺監察御史上言於豐利渠上
更開石渠渠成民賴之

李太不花至元間爲縣令蠻文彬之修洪渠也太不花實董其
役云

李克忠至正間爲縣令與牙八胡同修鹿巷

明俞思義四川新繁人洪武中以人材任爲政廉勤和緩民追
思之

曾玉字士潔四川涪州人正統末任臨政嚴謹然有惠愛深得民心任滿保畱再任前後二十餘年政績澤民者不能盡述修城其一云

高瑀天順間以舉人任政聲無甚著聞

龐輔山西寧鄉人成化初以舉人任持身端謹事上不阿民安其政後陞階州知州

暢亨山西河津人進士宏治初以監察御史左遷涇陽知縣剛方明決民心悅服未及期邑以大治增開治水利渠民爲立祠祀之入名宦

劉湜河南太康人宏治間以進士任剛斷持正毀境內寺及諸淫祠幾盡繕學宮增修內外學廬生儒德之

宋鑑河南鞏縣人宏治間以舉人任政尚寬和然不可犯任九年民無怨者以滿去

劉仲和山西臨縣人正德初以舉人任明達疏爽百姓畏而愛之後陞蘭州知州

任秉忠正德間以舉人任無秕政亦無賢聲

李溥正德間以舉人任剛毅有方不黷貨盡令之良者

吳瑛四川羅江人嘉靖間以舉人任才具頗優顧任巧詐以劾罷

荆晟山西猗氏人嘉靖間以舉人任舞智御人取辦文具其聽訟煦煦故爲家人父子狀民以故往往誦說焉然實假此以眩民爲有識者薄之陞霸州知州仍以此劾罷

霍鵬山西太原府人嘉靖間以進士任爲人豪放遇事立辦雄飲喜吟自守無訾也陞西安府同知

張逢源四川綿州人嘉靖間以舉人任無何以告訐罷

張朝欽河南澠池人嘉靖間以舉人任性過長厚以調簡去

李引之北直東鹿人嘉靖間以舉人任才足理事更喜多言邑中以藏經目之後以憂去

白容山西朔州人嘉靖間以舉人任政無令名以告訐罷

錢昆湖廣人嘉靖間以監生任庸茸無威儀未幾罷

張瀾山東濱州人嘉靖間以舉人任居二年許以憂去

何體乾山西汾州人嘉靖間以舉人任僅年餘聞御史行部且至輒解印綬去

連應魁河南武安人嘉靖間以監生任在任二年以告訐罷

屈諫山西長治人嘉靖間以進士任爲政三年陞戶部主事

樊鍾岱北直清苑人嘉靖間以進士任在任二年以憂去旋以

劾罷

劉得寬山西安邑人嘉靖間以進士任在任二年以調簡去

宋友達四川彭山人嘉靖間以舉人任在任六年以調簡去

王時演北直內黃人嘉靖間以舉人任在任三年以降調去

沈紹先北直安州人嘉靖末以舉人任爲政三年陞邠州知州

楊歸儒河南府人隆慶初以進士任爲政三年陞工部主事

翟廷楠山西渾源州人隆慶間以進士任爲政四年陞南大理寺評事旋以考察罷

傅好禮北直固安人萬歷初以進士任愛民禮士有古循吏風

更勤修葺官署文廟學宮一時改觀請邑人魏恭襄作縣志陞

工部主事民立祠祀焉

蕭汝芳字豐源遼東鐵嶺衛人萬歷間以進士任剛直尚風裁

陞□部主事與傅公同祠

張邦政號平寰北直滿城人萬歷間以進士任廉潔自矢然性稍急陞刑部主事官至知府

趙光遠山東益都人萬歷間以進士任爲政慈和陞□部主事王之鑰河南洛陽人萬歷間以進士任高自標植長吏之有丰稜者陞□部主事祀名宦

彭健吾北直邢臺人萬歷間以進士任少介操以計察去

馬之服號松蘿河南夏邑人萬歷間以進士任真切愛民而用法以嚴陞刑部主事

甯之翰字林閣山西聞喜人萬歷間以進士任精察勤敏兼有子惠聲以降調去後官方面與傅蕭二公同祠

袁化中字熙宇山東武定州人萬歷間以進士任愷悌樂易接

涇陽縣志卷五

七

士民若家人父子古召杜之流也百姓祠祀之行取御史後疏

斥魏璫下獄死祀名宦

有條議見水利

張紹先字重光北直鉅鹿人萬歷間以進士任洞達機宜事無畱滯以降調去後官通政

苗思順字聚百河南寧陵人萬歷末以進士任治不擾民能課士尤長於詞翰詩歌陞□部主事

路振飛字皓月北直曲周人天啟末以進士任性清介更嫻吏事崇貞二年寇亂從容指畫邑中賴以安堵百姓祠祀之行取御史歷官漕撫軍門祀名宦

梁士淳字梁奕北直真定人崇貞初以進士任清勤愛民修築城垣賊至恃以無恐人服其先見云以憂去祀名宦

朱國壽字主生北直宛平人崇貞間以進士授蒲城調涇陽才

具簡略不務爲赫赫名以計察去後官方面

王理山東諸城人崇貞間以進士任剛決負氣每喜談兵時寇至督鄉兵捍禦之死者千餘人以計察去後官方面

高去奢字柱河北直寧晉人崇貞間以進士任修城賑饑英敏有爲以憂去後爲御史官至太常寺卿

李天篤字媿庵北直雄縣人崇貞末以進士任醇樸慈祥遇事少斷爲寇所迫士民惜之

本朝

張錫蕃字康錫湖廣安陸人舉人順治初以僞職任未幾遭星誤誅

靳彥選字美吾遼東人順治間以監生任陞鳳翔知府

張應召字紹覺福建福清人順治三年以貢士任新學宮疏白

涇陽縣志卷五

三

渠抑豪強賑貧乏催科聽斷寬簡咸宜吏民畏愛之西域人踞文塔褻且擾歷前令數十年不敢問一旦去之邑人稱快姜驥叛大同與秦寇王用強爲援用強出嗟峨山陷州邑壁壘連涇界應召屹不爲動厲士民登陴固守三閱月賊不敢薄城下邑賴以安在任四年以忤直指罷邑人立祠崇報焉後封中憲大夫贈通議大夫

金漢鼎字紫汾浙江義烏人順治間以進士任行取歷陞兵科都給事中候補京卿

張健字天行河南固始人順治間以貢士任因家難罷

滕元鼎字梅羹順天宛平人順治末以貢士任陞廣東儋州知

州

王際有字書年江南丹徒人康熙間以進士任

趙良璧漢軍貢生康熙間任陞西安清軍同知歷官浙江布政使

錢珏浙江長興舉人康熙間任行取歷官巡撫

聞士琦浙江山陰人監生康熙間任以疾卒

常學易山西介休人貢生康熙間任以憂去

劉桂直隸清苑人監生康熙間任

嚴調鼎山西文水人進士康熙間任

李天叙江南崑山人舉人康熙間任

章裕浙江會稽人監生康熙間任以憂去

戴炳鑲白旗人監生康熙間任以疾卒

焦應旂貴州清鎮人舉人康熙間任以憂去

馬伍梅山西汾陽人貢生雍正四年任以調任去

涇陽縣志卷五

三

戴洪滋浙江錢塘人進士雍正五年任以疾卒

屠楷浙江錢塘人吏員留陝辦差雍正六年題補

張成德江南丹徒人監生保舉奉

旨來陝宣

諭化導議叙留陝候補雍正十二年題授

唐秉剛字近仁廣西桂林人舉人由醴泉知縣於乾隆元年題授

王以式江蘇上元人雍正己酉舉人乾隆十二年選授

王英江蘇太倉人雍正癸卯舉人由安徽旌德教諭乾隆十四

年陞授

楊必名福建順昌人貢生由本省永春學正陞授鄆州中部知縣乾隆十六年調任

沈元輝河南祥符人乾隆癸酉舉人發陝試用二十二年題署
牟曰鈞山東棲霞人乾隆戊辰進士由江西永新知縣二十三
年調任

楊令琢江西寧都人貢生選授鄆縣知縣二十五年調任

羅崇德湖北東湖人乾隆癸酉舉人二十六年選授

張炳鯤湖北黃安人貢生發陝試用二十九年題補

杜錡江西新建人乾隆壬申進士由延安府定邊知縣三十三
年調補

孟玫河南夏邑人乾隆辛未進士由岐山知縣三十五年調補
方承保湖北嘉魚人乾隆壬申舉人由邠州三水知縣三十七
年調補

葛晨浙江餘杭人乾隆甲子舉人三十五年署平利縣三十八

年題補沔縣四十一年調補今任

縣丞

明范旻四川成都人

王綸山西黎城人

鄭熙之北直衡水人

雷騰龍山西汾州人剛正能自守

林棠四川人

范燦南直人

姜鏗山東人有機變處繁裕如亦一時之能吏也

石鳳儀山西介休人有廉操負氣嘗與長官忿爭然稍駭吏隸
時爲隱語戲侮之已乃大噱

譙陞四川南充人

吳子和四川人

聶相山東臨朐人長厚有禮能起人敬愛遇民疾苦輒爲墮淚其清介之操公服下卽做裳衣之澹如也陞江西崇信縣知縣張時馨山西壺關人

王樸北直河間人

任大受山西絳縣人

陳嘉表

曹命值流賊之亂有訓練才

呂初泰以貢士任博洽好文有詩賦小集

劉寰以貢士任時遇兵荒訓練省賑頗殫心力百姓德之

張自修以貢士任謹飭稱良吏

本朝

康晉侯順天大興人順治初以吏員任陞江西瑞州府經歷旋以折糧罷

孫繼緒湖廣應城人順治間以貢士任年老去

胡師夔字白樂順天大興人順治末以貢士任病休去

張肯穀字式似江南巢縣人康熙間以貢士任

葛永成遼東寧遠人監生康熙間任陞澠池知縣

吳利見福建永汀人舉人康熙間以知縣降調

徐卿望順天大興人監生康熙間任以憂去

胡疑齡江南涇縣人監生康熙四十年任陞寧德知縣

錢宗禹浙江會稽人監生康熙四十五年任以憂去

洪聲江南儀徵人監生康熙五十年任以陞任去

艾元復直隸宣化人監生康熙五十五年任以憂去

羅思哈漢軍正紅旗人監生康熙五十七年任

譚一豫字崇叔湖北天門人貢生雍正七年由長陽教諭改授石廷棟山西解州貢生由州判借補

趙金門浙江山陰人監生乾隆十一年任

陳文烈浙江寧海人拔貢考授州同乾隆十五年借補

沈述江南新陽人貢生三十四年任

主簿

宋呂義山浙江蘭谿人以進士任涇陽主簿遷知武功百姓親之官至戶部侍郎

元雷貴高陵人縣令以才賢舉監稅官宣撫司辟爲縣丞後陞主簿歷三原涇陽櫟陽三縣又改朝邑及洛川治縣二十餘年猛不殘義寬不宥姦與許魯齋同時

明潘敏宿遷人景泰中以吏員任爲人果斷敏達遇事迎刃而解開修水利增新廟學民仰其惠

張銑北直人剛斷善怒時或躬自蹴人然人殊稱之

扈滋北直安肅人性朴鈍

何守庸四川儀龍人頗廉惜少才

白廷相山西人才守兼優

清霜山東人治行甚嘉而體貌更偉簿之表表者

蔡繼先山東曹縣人有文學廉平忠厚亦良簿也

胡希周河南新蔡人

崔鶴山西河津人

曾鳳起四川巫山人

崔宗堯河南溫縣人

王三聘山東人

徐汝華江西南城人

張僮北直天津衛人

郭史浙江山陰人

張邦弼任事敢爲

劉進瓏

朱師孔修渠頗著勤勞

郭慎始

崇貞未裁其官至今不設

典史

唐韓臯字仲聞長安人資質重厚有大臣器德宗時爲雲陽尉策賢良方正異等拜右拾遺歷官吏部尚書穆宗加右僕射大抵以簡爲治所至有績

涇陽縣志卷五

七

明賈奎北直真定人

劉瑀北直人

李祿四川內江人頗以能稱

曹煥北直真定人美體貌尚氣槩事上臨下井井有條尉之最著者也

張寧山西翼城人性喜飲

傅重四川人

石允芳山東恩縣人

管取湖廣襄陽人

袁世康北直永年人

王桂芳被逐去

許大京勤敏得民譽

本朝

薛有聲浙江定海人順治初以吏員任 計察罷

陳鼎新順天宛平人順治間以吏員任陞江南武進縣巡檢

范守禮福建漳浦人順治間以吏員任被劾罷

陳中元字廷擢北直長垣人順治末以吏員任

陳達山西平順人吏員康熙間任

胡承麟江南句容人吏員康熙間任

程雲鵬赤城人吏員康熙間任

徐士凱山陰人吏員康熙間任

張鑑通州人吏員康熙間任

陳士驥宛平人吏員雍正五年任

潘士騏順天大興人吏員乾隆四年任

涇陽縣志卷五

六

趙振英浙江會稽人吏員十二年任

張景良浙江仁和人吏員十四年任

董養民直隸新城人吏員十七年任

朱嵩年浙江山陰人監生十九年任

王成鏤黃旂漢軍監生二十六年任

王祈年江蘇江寧人監生二十七年由吏目借補

教諭

明馬煥高陵人訓士有績授監察御史

員紀河南許州人正統中以舉人任勤教自守言行足爲士法

陞西安府學教授

徐安四川蒲江人天順初以舉人任誨人勤懇生儒蒙其教諭者多所成就陞江西萬安縣知縣

楊潤山西河津人天順間以舉人任嚴條格善訓廸禮度端謹
爲一時教職最歷陞國子監監丞蓋不忝於文清薛公之門云
祀名宦

許儼四川眉州人博學能文誨人誠切親與諸生爲文會後登
進士

譚彙四川銅梁人

樊華四川人渾厚中有風岸士憚之

王表四川金堂人風度可爲矜式惜過嚴耳

王璋河南汝陽人

王以賢四川南部人輕利督諸生爲文會有聲

賈上策山西交城人遇諸生以剛暴幸才不足以濟之

吳應叩四川內江人

高山四川南充人

陳一廉四川巴州人

李亨嘉山東人

孔喬第北直南宮人

譚謙益四川銅梁人以舉人任勤於訓士甚著風裁官至主事

楊泰貞山西曲沃人以舉人任持身端謹陞淳化縣知縣

戴自成湖廣漢陽人以舉人任綽有令譽登進士官至知府

羅世濟平利人以舉人任怡情詩酒有逸才陞河南澠池縣知

縣

歐植褒城人以舉人任性澹泊不計餽遺以憂去

馮琬四川資陽人以舉人任博學多能後陞推官

劉爾驥中部人崇貞末以貢士任投誠之後以失印罷

本朝

張可薦延長人順治初以貢士任陞西安府教授

甯昌祖寧夏人順治間以貢士任陞鳳翔府教授

李天民沔縣人順治間以貢士任陞江西武寧縣知縣

范韓儕真寧人順治間以舉人任計察罷

鞏我閱字子繩真寧人康熙間以舉人任

鞏我造我閱弟正寧人舉人康熙間任以憂去

柴月桂涼州衛人貢生康熙間任陞西安教授

韓彭年寧夏商學本縣人舉人康熙間任陞靖邊衛教授

姚鉉膚施人貢生康熙間任以疾去

包仁相寧遠人舉人康熙間任以憂去

張樹栢寧夏人舉人康熙間任以疾去

涇陽縣志卷五

三

袁必治寶雞人舉人康熙間任以憂去

楊詵寧夏商學三原人貢生康熙五十七年任

康奕邵陽人舉人雍正六年任

王錫年辛丑進士知縣改授教諭雍正年間以憂去

李堪造大荔人舉人乾隆年間以疾去

高忻固原州人舉人乾隆三年任以疾卒

劉得炯寧夏中衛縣舉人乾隆五年任

劉占鰲中衛縣舉人

艾伯潤直隸米脂人舉人十四年由知縣改授

郭禱生同州蒲城人舉人十八年由知縣改授

張昌言同州蒲城人舉人二十二年由知縣改授

李睿同州華陰人舉人三十三年任

李盡同州白水人舉人三十七年由知縣改授

訓導

明霍奇山東單縣人督諸生爲文會其饌具每捐俸佐之善詩尤喜聯句雅有風韻

梁諗湖廣鄖西人有德量幾於喜怒不形嘗秉燭教士相得甚歡衆方望其遷而忽以老免惜哉

楊世桂四川長壽人性和平能文不受貧士節餽甚或以所受他士者反遺之

馬模山西安邑人練習世故敢於有爲但善罵士以此薄之

賈察西川人
劉一鳴四川保寧人遇生徒有禮絕不以束修爲意錄貧士數十壁間卽有餽弗受也未幾卒於官無一金爲殮蓋教職之至

清介者

南應奎永昌人

劉光漢中部人

向日芳

陸守中蘭州人

李長春漢中人

羅奇錦兩當人

許養德山西人

李克昌富平人

本朝

馮熙淳岐山人順治初以貢士任陞華州學正
武揚烈成縣人順治間以貢士任病故

高脫凡徽州人順治間以貢士任歷陞江西高安縣知縣

劉瑞星漢陰人順治間以貢士任歷陞河南扶溝縣知縣

王恂延川人順治間以貢士任陞兩當縣教諭

別建奇保安人順治間以貢士任陞城固縣教諭

李煜然綏德人順治間以貢士任陞寧夏靈州守禦所學正

史補衮安定人順治末以貢士任

王桂鳳翔人貢生康熙間任

王應麟洮州衛人貢生康熙間任陞蓋屋教諭

安其位綏德州人貢生康熙間任陞蓋屋教諭

楊孟蘭寧羗州人貢生康熙間任

李彬甘州衛人貢生康熙間任

呼遠音宜川人貢生雍正元年任

多士式靈臺人貢生雍正五年任

金秉璿金縣人貢生雍正十一年任

周紋潼關人貢生乾隆四年任

史煥官君人貢生乾隆六年任

王煥章岷州人貢生乾隆十年任以疾去

邱含琅潼關人貢生乾隆十一年任以疾卒

張汝璧甘肅靈州人貢生乾隆十三年任

惠學海同州大荔人貢生乾隆十五年任

賈棫同州朝邑人貢生乾隆二十九年任

賈士一延安安定人貢生乾隆三十五年任

何祿鳳翔郿縣人貢生乾隆四十一年任

把總

王君耀乾州人順治間任

周鼎榆林衛人康熙間任

吳斌湖廣漢陽人康熙間任

王琦山東濟南人康熙間任

裴魁靖遠衛人康熙間任

李仁咸陽人康熙間任

王福昌固原人康熙間任

單永固原人雍正五年任

滿宏祥固原人雍正十年任

張烈固原人

邢遜固原人

滿宏祥固原人

涇陽縣志卷五

梁參西安人

陶章西安人

李喜鳳翔人

馬忠貴鳳翔人

木廷梁鳳翔人

吳傑鳳翔人

朱嗣相西安人

附

秦程邈下土人爲衙獄吏得罪始皇幽繫雲陽十年從獄中作
大篆奏之始皇稱善出以爲御史使定書世以史籀所著大篆
名籀書謂邈所作大篆曰小篆魏恭襄曰邈非吏於土者也而
以獄吏繫此十年卒作大篆以顯當時傳後世余不敢泯焉

漢王立建始中爲池陽獄掾時薛宣爲左馮翊池陽令舉立廉吏府未及召立受囚家錢宣責讓縣縣案驗獄掾廼其妻獨受繫者錢萬六千受之再宿獄掾實不知掾慙恐自殺宣聞之移書池陽曰縣所舉廉吏獄掾王立家私受賕而立不知殺身以自明立誠廉士甚可憫惜其以府決曹掾書立之柩以顯其魂元董博霄舊志入名宦下然列傳殘闕未詳其在涇何官與其行事無得而紀焉

補遺

按據後志載知縣邊揚聲縣丞呂時達訓導李殿邦俱不詳其籍貫履歷及蒞任年分第附姓氏以俟考而王志又謂佐貳廣文舊志未詳載父老又傳聞失真卽所述者字號履歷年代亦莫能詳則其間遺漏而失載者蓋亦多矣